

ZER KOLORE
DU BERTAKOAK?

JAN TOLOSALDEA BIDEO LABURREN LEHIAKETA



LEHIAKETAN PARTE HARTZEKO OINARRIAK

1.- OINARRIAK

Lehiaketaren helburua, **Jan Tolosaldearen** helburuekin bat eginaz, gazteen elikadura ohiturak ezagutu eta beraiengan eskualdean ekoiztutako produktuen kontsumoa sustatzea da. Hauen balio positiboak bultzatuz, bideo labur eta originalen ekoizpena eta zabalpenaren bidez.

Elikadura onaren sustapenerako, gizartearen sentsibilizaziorako eta publiko ororentzat baliagarri izatea nahi da. **Gaia, Jan Tolosaldearen helburuekin bat eginez, elikadura eta bertako produktuen ekoizpen eta kontsumoa adieraztea da.**

2.- PARTE HARTZEKO BALDINTZAK

Tolosaldeko 12-18 urte arteko gaztetxoek har dezakete parte lehiaketan, **ikastetxeka, taldeka (gehienez 8 lagunekoa) nahiz banaka**. Honetarako, oinarriekin ados egon eta onartuz gero, bideoak eta grabaketak jantolosaldea@gmail.com helbidera bidali beharko dira.

Partaide guztiak bete behar dute www.ataria.eus web-orrian eskuragarri dagoen **izen-emate dokumentua**. Eremu guztiak nahitaez bete behar dira, eta horietako bat behar bezala betetzen ez bada, partaidea edo taldea lehiaketatik kanpo uzteko eskubidea du antolakuntzak.

3.- EPEAK

Parte hartzeko:

Lehiaketan parte hartzeko epea **2019ko urriaren 15etik azaroaren 10era**, biak barne, bitarte izango da. Epez kanpo aurkeztutako bideo guztiak automatikoki geratuko dira lehiaketatik kanpo.

Bozketa fasea:

Publikoaren sarirako bozketa fasea jarriko da martxan. Hau **2019ko azaroaren 13tik 30era** izango da www.ataria.eus webgunean horretarako jarritako gunean.

Saridunen jakinarazpena, azaroaren azken astean izango da.

Saridunak:

Saridunen izenak eta bideo irabazleak, **2019ko abenduaren 12/13an** jakinaraziko dira, horretarako egingo den sari-banaketa ekitaldi batean.

4.- BIDEOEN AURKEZPENA

Gehienez 3 minutu irauten duen bideo labur bat aurkeztu beharko dute lehiaketako partaideek, elikadura, lehen sektorea eta bertako produktuen kontsumoa gaiei buruzkoa, eta beti ere, euskaraz.

Bideoak originala eta beste inon erabili gabea izan behar du. Horretarako, partaideek (ikastetxea, taldea (8 gehienez), nahiz banaka) elementu artistikoak, musika, irudiak edo egoki deritzoten bestelako edozein erabil dezakete.

Bideoaren ezaugarriak:

- **Formatua:** bideo laburrak kamera, mugikor, tablet... bidez grabatutakoak izan daitezke, originalak eta beste inon argitaratu gabeak.
- **Iraupena:** Gehienez 3 minutu
- **Hizkuntza:** Euskaraz

Bideo guztiak, Tolomendiren eta Tolosaldeko Atariaren webguneetan eta kanaletan jarri eta ikusgai izango dira.

5.- SARIAK

Guztira 4 sari egongo dira; 3 sari epaimahaiak aukeratuko ditu eta beste bat publikoak (ataria.eus-eko erabiltzaileak) erabakiko du:

- Epaimahaiak 3 sari emango ditu:

- **DBH 1-2:** Kide guztientzat Zumardiako urteko bazkidetza eta ikastaro batean matrikula.
- **DBH 3-4:** Kide guztientzat Zumardiako urteko bazkidetza eta bi ikastarotan matrikula.
- **BATX 1-2:** Kide guztientzat Bizi Bizirik eskainitako abenturaz betetako asteburu pasa.

- **Publikoaren saria:** Bertako produktuekin osatutako otarra eta ekoizlearen ustiategira bisita.

Ezaugarri aipagarriak dituztela eta bideo batzuek aipamen berezia merezi dutela uste bada, antolaketa-batzordeak haiei sari berezia emateko eskubidea du.

Sari-banaketa 2019ko abenduaren 12/13an izango da. Sari-banaketaren ekitaldian ikusgai jarriko dira bideo irabazleak, eta epaimahaikideek epaiaren berri emango dute.

6.- EPAIMAHAIKIDEAK

Epaimahaia **bost** lagunek osatuko dute, eta antolaketa-batzordearen eginkizuna izango da horiek izendatzea.

Epaimahaikideek lehiaketan parte hartuko duten bideoak puntuatu eta baloratzeko irizpideak ezarriko dituzte. Nolanahi ere, epaimahaiak bikaintasun teknikoa baino gehiago bideoaren dibulgazio-ahalmena, sormena eta interesa izango ditu kontuan. Bestela esanda, gehiago oinarrituko da balorazioa **edukian** haren lan teknikoan baino. Nolanahi ere, epaimahaikideen erabakia apelaezina izango da.

Epaimahaiak eman gabe utz dezake sari horietatik edozein.

7.- HARREMANETARAKO

Zalantzarik baduzu, jar zaitez harremanetan antolatzaileekin:

| | |
|------------------------------------------------------------------------------------------------------------------------------------|------------------------------------------------------------------------------------------------------------------------------|
| TOLOMENDI: - Telefonoa: 943 65 50 97 - E-maila: tolomendi@tolomendi.eus - Helbidea: Nafarroa Hiribidea, 6. Tolosa. | TOLOSALDEKO ATARIA: - Telefonoa: 943 65 65 95 - E-maila: tkt@ataria.eus - Helbidea: San Esteban, 20. Tolosa. |
|------------------------------------------------------------------------------------------------------------------------------------|------------------------------------------------------------------------------------------------------------------------------|

8.- LEGE BALDINTZAK

Tolomendi eta Tolosaldeko Ataria ez dira materiala bidaltzean, birusak edo bestelako arrazoiak direla eta, sor daitezkeen jazoeren erantzule.

Oinarri guztiak onartzea nahitaezkoa da lehiaketan parte hartzeko, eta, beraz, sariak irabazi ahal izateko. Partaideren batek oinarrietan ezarritako baldintzak ez baditu betetzen, lehiaketatik kanpo geldituko da, automatikoki.

Lehiaketara aurkeztutako partaideak ez den beste egile batek beste hizkuntza batean egindako bideo baten edo bideo horretan oinarritutako lan baten itzulpen hutsak diren bideoak ez dira onartuko. Nolanahi ere, bideoaren edukia lehiaketan onartutako hizkuntza batera itzultzen lagun dezakete hirugarrenek.

Bideoan musika erabiltzen bada, musika horren ustiapen-eskubideek lehiaketako partaidearenak behar dute izan osoki, legez eta eskusiboki. Partaidearen erantzukizuna da baldintza hori betetzea. Tolomendi eta Tolosaldeko Ataria baldintza hori ez betetzeak ekar ditzakeen erantzukizunetatik libre gelditzen dira.

9.- EGILE ESKUBIDEAK

Lehiaketara hirugarrenen jabetza intelektualaren edo industrialaren eskubideak urratzen dituen materialik ez dutela aurkeztuko bermatu behar dute partaideek. Horrenbestez, partaideek auzi horretatik kanpo utzi behar dituzte Tolomendi eta Tolosaldeko Ataria. Hortaz, partaideek hirugarrenen eskubideei buruzko arauak ez badituzte betetzen edo arau-hausteren bat egiten badute, Tolomendi eta Tolosaldeko Ataria ez dira horren erantzule egingo. Lehiaketako partaideari dagokio Tolomendi eta Tolosaldeko Ataria ardura horretatik salbustea.

Lehiaketako partaideek Tolomendi eta Tolosaldeko Atariari uzten diote aurkeztutako bideoak ustiatzeko eskubidea non sartzen diren bideoa erabili, zabaldu, banatu, eman, publikoki komunikatu eta Internet edo bestelako ikus-entzunezko baliabide baten bidez dibulgatu, erreproduzitu eta erakusteko eskubideak. Halaber, Tolomendi eta Tolosaldeko Atariak bideoa eraldatu egin dezakete, muntaia laburragoak egiteko edo beste bideo batzuekin batera editatzeko. Lagapen hori dohainik eta modu ez-esklusiboan egingo da.

Bestalde, hautatutako eta jasotako lanak sustapenerako eta/edo hedapenerako erabiltzeko eskubidea dute antolatzaileek. Bideoak atal honetan zerrendatu ez diren xedeetarako erabiltzeko, egilearen baimena behar da.

Ez dira onartuko hirugarrenen jabego intelektualaren edo industrialaren eskubideak urratzen dituzten bideoak. Era berean, bideoek ez dute pertsona fisiko edo juridikoen jabegoa, osotasuna edo irudi ona kaltetu behar.

Aurkeztutako bideoak ustiatzeko eskubidea lagatzeagatik, Tolomendi eta Tolosaldeko Atariak eskubidea dute bideoak Internet edo bestelako ikus-entzunezko baliabide baten bidez zabaltzeko edo argitaratzeko, baina ez daude horretara behartuak.

Lehiaketa amaitu ondoren, Tolomendi eta Tolosaldeko Atariari egoki deritzen bideoak eskuragarri egongo dira euren web-orrietan eta kanaletan, antolatzaileek egoki deritzoten arte.

Tolomendi eta Tolosaldeko Atarian ditugu eta guretzat gordeko dugu jasotako lanak publikatzeko eskubideak.

10.- DATU PERTSONALEN BABESA

- ZURE DATUEN ERANTZULE

Datu Pertsonalak Babesteko legedia betez, jakinarazi nahi dizugu emandako datu pertsonalak Tolomendi Landa Garapen Elkarteak (aurrerantzean "Tolomendi") eta Tolosaldeko Komunikazio Taldea, S.M.k (aurrerantzean "Tolosaldeko Ataria") tratatuko dituztela, horiek baitira Tratamenduaren Erantzuleak.

- TRATAMENDUAREN XEDEA

Emandako datu pertsonalak lehiaketa hau kudeatzeko, tratamenduaren erantzulearen legezko betebeharrak burutzeko eta tratamenduaren erantzulearen legezko interesa betetzeko erabiliko dira.

- ZENBAT DENBORA GORDEKO DIREN

Emandako datu pertsonalak epe zehatzik gabe kontserbatu daitezke.

- ERABILTZEKO LEGITIMAZIOA

Zure datuak tratatzeko oinarri juridikoak emandako baimena eta tratamenduaren legezko interesa dira.

Hamalau urte ez badituzu zure gurasoen baimena behar duzu zure datu pertsonalak emateko (lehiaketan parte hartzeak hauen baimena duzula esan nahi du).

- SEGURTASUN NEURRIAK

Tolomendik eta Tolosaldeko Atariak parte hartzaileen datu pertsonalak babesteko konpromisoa daukate; hala, eskura dituzten baliabide guztiak erabiliko dituzte, interesdunen segurtasuna eta pribatutasuna bermatzeko.

- HARTZAILEAK

Lehiaketa honetan parte hartzeak aurkeztutako bideoen zabaltze eta hedatze ekintzak dakar nahitaez.

Era berean, lehiaketa honetan parte hartzeak partaideen (eta batez ere irabazleen) identifikaziorako datuak argitaratuak izan daitezkeela suposatzen du.

Tolomendik eta Tolosaldeko Atariak lehiaketan parte hartu duten bideoetan azaltzen diren irudiak eta ahotsak komunikabide edo euskarri desberdinetan zabaldu daitezke, bai Internet erabilia, bai beste baliabiderik erabilia.

- ESKUBIDEAK

Pertsona orok du eskubidea bere datu pertsonalak eskuratzeko, zuzentzeko, ezabatzeko, datuen erabilera mugatzeko, tratamenduari aurka egiteko edo beste norabait eramateko. Horretarako, tolomendi@tolomendi.eus edota tkt@ataria.eus helbidera mezu bat bidali besterik ez da egin behar, baliatu nahi den eskubidea adierazi, eta NANaren kopia edo identifikatzeko balio duen beste dokumenturen baten kopia erantsi. Eskaera lege-ordezkarri moduan egiten ba, berriz, nortasun agiriaren kopia ez ezik, ordezkaritza horren egiaztatzea ere bidali beharko da.

Halaber, adierazitako adostasuna une oro bertan behera uzteko eskubidea du. Baimena ukatzeak ez du inolako eraginik izango baimena ukatu aurretik egindako erabileraren zilegitasunean.

Pertsona orok eskubidea du erreklamazio bat jartzeko kontrol-agintariaren aurrean (kasu honetan, Datuak Babesteko Bulegoa: www.aepd.es), baldin eta uste badu bere eskubideak urratu direla bere datu pertsonalen babesari dagokionez.

11.- AZKEN KLAUSULAK

Lehiaketan parte hartzeko ezinbestekoa da klausula guztiak onartzea.

Oinarrietan jasotzen ez diren gaiei dagokienez, Tolomendi eta Tolosaldeko Ataria izango dute erabakitze eskubidea.

Arazo teknikoak direla eta ikus ezin daitezkeen bideoen erantzule ez dira antolatzaileak.

Epaimahaikideek ezin dute lehiaketan parte hartu. Era berean, ezin dute parte hartu lehiaketaren antolaketan aritu direnek, hala nola Tolomendi eta Tolosaldeko Atariako langileek.

Tolomendi eta Tolosaldeko Ataria ez dira egingo beren kontrolpetik kanpo dauden, edo sareko operadore, zerbitzu-emaile bitartekari edo hirugarrenek sortutako jazoera hauen erantzule: galerak edo atzerapenak, etenaldiak, funtzionamenduaren eskuragarritasun edo jarraitutasun eza, transmisio-arazoak, informazioaren galera, iruzurra, sareko akatsak, softwarearen funtzionamendu-arazoak, sarrera-, komunikazio- edo erantzun-akatsak, lehiaketaren aldaketak eta abar.

Tolomendi eta Tolosaldeko Ataria eskubidea dute dokumentu ofizialen bidez (NAN, gidabaimena eta abar) lehiaketako partaideen nortasunari buruzko egiaztapenak egiteko.